

Umhverfisstofnun
Hildur Vésteinsdóttir
Suðurlandsbraut 24
108 REYKJAVÍK

Garðabær, 14. maí 2014
2014040025/42-0
KHS, OKN, TB
jgo/tb

Ósk um undanþágu til að nálgast hreiður þórshana vegna rannsókna, umsögn


Vísað er til bréfs frá Umhverfisstofnun, dags. 22. apríl, sl., þar sem óskað er eftir umsögn Náttúrufræðistofnunar Íslands um umsókn Yann Kolbeinssonar um undanþágu til að nálgast þórshana hreiður vegna rannsókna. Einnig er sótt um leyfi fyrir nafngreinda aðstoðarmenn.

Náttúrufræðistofnun hefur farið yfir gögn málsins. Yann Kolbeinsson hefur mikla reynslu af fuglarannsóknum, þar á meðal á þórshana, og telur Náttúrufræðistofnun að það beri að veita honum undanþágu til þeirra rannsókna sem hann fer fram á. Stofnunin vill hins vegar ítreka að þórshani er mjög sjaldgæfur og viðkvæmur fugl og að varpstaðir þeirra hafa verið eyðilagðir vegna ágangs. Náttúrufræðistofnun telur því að allar heimsóknir á einstök varpsvæði þórshana séu á ábyrgð nafngreindra einstaklinga sem fengið hafi tilhlýðilegar undanþágur frá Umhverfisstofnun. Í því felst að einungis þeir sem hafi fengið slíka undanþágu megi heimsækja varpstaðina og beri þeir fulla ábyrgð á þeim aðstoðarmönnum sem þeir kunna að hafa not fyrir. Að gefnu tilefni telur Náttúrufræðistofnun að það eigi og verði að taka það sérstaklega fram í leyfisveitingu að óheimilt sé að nýta ferðir að varpstöðum þórshana sem skoðunarferðir fyrir ferðamenn / áhugamenn um fuglaljósmyndun.

Virðingarfyllt



Jón Gunnar Ottósson
forstjóri



Trausti Baldursson

